



SULEQATIGIISITSISUT
SAMARBEJDSPARTIET
UKA2019/45, 122
Tillie Martinussen

09. oktober 2019

Naalackersuisut attartornermut inatsisissatut siunnersuutissaminni pisortat inissiatileqatigiiffiisa attartungortussanut inissiamik neqeroornerminni inissiaq neqeroortertik ukiut tallimat kingulliit iluanni oqummik ajornartorsiuteqartoq paasineqarsimagaangat nalunaartalernissaannik pisussaaffiliinissaat pillugu Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Sofie Geisler, Inuit Ataqtigiit)

Inatsisartunut ilaasortap taamatut siunnersuuteqarneranut qujanaq.

Illuutitsitsinni oqoqarnera ANNERTOORUJUSSUARMIK ajornartorsiutigigipput qularutissaanngilaq. Tamanna ajornartorsiutaavoq ukiorpassuarni kukkusumik suliarineqartarnikoq suunngitsuuneqartartorujussuusorlu. Ajorpallaarujussuuartumik oquujaasoqartarnikuunerata sunniutai maanna takuagut, nutaanik naammattunik kukkulluta sanaartorsimangilagut kiisalu sanaartukkanik siusippallaarujussuuartumik oqoqalersunik ataatsimullu isigalugu illut iluini siallalluttunik nakkutilliinermi kukkusimalluta.

Illuatungaani inunnik sulisinnaasunik peqarnissaq suaartaatigaarput, illuatungaani ilaatigut oqoqarneranik illullu iluisa silaannalunnerinik ilaatigut pissuteqartumik napparsimanerpassuit isumagissaarnerullu allanngorartarnera, isumaliorulussinnaannginneq, anersaartuutini nappaatit ajoqutillu, timimi pupeqalertarnera amermeri nappaateqalertoqarnera takunngitsuusaarpagut.

Aammi aseruttoqartarnera, issanngusarnermik assingusunik nappaateqalertoqarnerani, amermeri nutsakkullu ajoquteqalertoqartarnera aattoqalertoqartarnera, qinngap ameraasaasa panertarnerat, niaqorlunnerit, isumaliorulussinnaannginneq, sapigaqalerneq, nutsani qaqqortualoqalertarnera, timip pupeqalertarnera, eqqaamasaqarniarnermik ajornartorsiorneq, kiaqarneq, timip akiuussutissaasa annikillinerat, sivisuumik quersorneq, anersaartuutitajoquteqalertarnerat, isikkut aseruunnerit, ungilatitsinerit, aniorneqalertarnerit nappaatinullu takussutissat aalajangeruminaatsut allarpassit inissiani, atuarfinni allanilu illup iluini oqoqarfiusut kingunerinik pilersarput.

Inissiani illunilu oqoqartuni taamaallaat klorini atorlugu illup ilaanik annikitsunnguanik takuneqarsinnaasunik oquujaaniarnerit atortullu sinnerisa takuneqarsinnaasumik oqoqanngitsut unitsiinnarlugit kiisalu inigisamiit oqoqartumiit tullermut piffissap akunnerani oqoojaaniarnani pequtinik, pappilissanik, naasunik atisanillu nuussinerit oqumik qanorlu qanorlu nuuttarneranik paasinngittarneq ajornartorsiutaasorujussuavoq.

Sumiiffiit ilaanni ajornartorsiut qaangerniarlugu taamaallaat "silaannaap ingerlaarfianik nuussisarput", sumiiffinnilu ikinnerni iternga tikillugu nakkutilliinissamut periarfissaqarpoq ajornartorsiullu pimoorullugu.

Inuit ilaat, pingaartumik sapigaqareersut, sulisinnaassutsiminnik, peqqussutsiminnik ataatsimullu isigalugu inuunermi atukkaminnik sunniisunik annertuumik piujuartunillu nappaatinik takussutissaqarput. Kikkulli tamarmik sivisuumik sunnertissimareerlutik sapigaqalivissinnapput, taamaalineranilu takussutissat nappaateqarnermut qulaani taaneqartut ajortinnerujussuusarlutik.



SULEQATIGIISITSISUT
SAMARBEJDSPARTIET

Oquulli toqonartullit inunnut tamanut toqunartoqartitsilersarput.

Gassit, bakterissat kinguaassaat uumaannarsinnaasullu allat pingaartumillu oquit imaaliinnarlugit suujunnaarsinneqarsinnaanngitsut illorpassuarni nassaassaapput, kisiannili illuni oqolinni ajoqusernerit iluarsiniarlugit, aamma attartortunut, najugaqartunut sulisunullu siunnersuineri iliuutsit arlaannaalluunniit naammangillat.

Oquujaasarnernermik, oqoqarfiusuniit oqoqarfiunngitsunut pigisanik pequtinillu nuussinermi il.l il. il. ilitsersuisarnej siunnersuisarnerlu nunatsinni amigaataasorujussuovoq. Aamma ajornartorsiummik annertoqisumik politikerit soqutinngilluinnarput aamma inissiat illullu ajornartorsiuteqarfiusut iluarsaanissaannut pilersaaruteqanngilaq.

Politikkikkut ingerlatsinitsinni oqumik ajornartorsiuteqarnej pingaartinneqanngilaq, oquillu peqqissutsinnut, sulisinnaassuseqarnitsinnut, meeqqanut inuusuttunullu navianarluinnarput qanorlu iliuuseqarfigisarneri isornartorujussuulluni

Taamaammat siunnersuutit uku marluk taperserpagut, tassa inissiat illullu iluarsaanneqarnissaasa isummertussanngortinneqaratta aamma uagutsinnut attartortitsisartunullu ajornartorsiummik pimoorussisitsilissammat

Oquit illullu iluini silaannaap ajornartorsiutit kisiisa tunngavigalugit innuttaasut peqqissutsimmikkut ajornartorsiutaat annertuut saqqummertariaqarput politikikkullu akkerliiffiqineqarunnaartariaqarlutik. Ajoarnartorsiut taanna nunami tamarmi nutaanik sanaartornerni taakkunannga nakkutilliisarnerni inissianilu pisoqqani takusarparput.

Immikkut ilisimasallit kikkulluunniit ajornartorsiut tamanna naammattumik uppersusilimmillu suli paasiniarnikuunngilaat, uagulli Suleqatigiissitsisuni kissaatigaarput inuit inissiatileqatigiiffiillu paasisinneqassasut internetikkut nunatsinnilu suliffeqarfinnut ataasiakkaanut inissiani oqoqarnersoq paasiniaanissamik misissuinissamillu inniminniisoqarsinnaasoq.

Piffissami sivisuumi pujoralaat katersuuttut suuneri misiliutissanillu tiguisut inissiami assigiinngitsuni misiliutissanik tiguspata eqqornerpaamik takussutissiisoqarsinnaavoq.

Nunatsinni inissiat illullu taamatut nungullartigisimanagerat, iluarsaanneqartannginnerat ingutserneqartannginnerallu amerlaqisullu oqunnik illullu iluani silaannartumik ajornartorsiuteqarfiunerat ajorluinnarpoq. Inissiallu oqoqarneranik takussutissinneqarsimasumik ajornartorsiuteqarfiusut ullumikkut qanoq iliuuseqarfigineqartarneri, iliuuseqarfigineqartannginneriluunniit, suli ajorneruvoq. Naammangilluinnatumik iliuuseqartoqartarpoq pimoorunneqartaranilu.

Immikkoortumi uani iliuuseqarnissamik pisariaqartitsineq pillugu inissiat pillugit nassuiaatit, aserfallaaliuineq pillugu nalunaarusiat allallu piffissani assigiinngitsunersuut ataatsimut isigalugu innersuussutigisinnaavagut. Nunatsinni inissianik ajornartorsiuteqarnej uteqaqqaartuarneqartarpoq. Ajornartorsiut iliuuseqarfigerpiarnagu isiginnaaginnartilluta ajornartorsiut annertusigaluttuinnarpoq, nunatsinnilu inissianik iluarsaassinissamut nutaanillu sanaartornissamut aningaasat naammangilluinnartut immikkoortittarlutigit..



**SULEQATIGIISITSISUT
SAMARBEJDSPARTIET**

Ajornartorsiut ukiuni qulikkaani ilisimaneqarluarnikuvoq. Pingaarnersiunerunnginnitsigut kinguaattoorneq ANNERTUSIARTUINNARPOQ, aammalumi innuttaasut peqqissusaat, angerlarsimaffeqanngitsut eqqarsaatigalgit, inissiallu nillertut ingutseriaannaallu sulii inigineqarput il.il. Kalaallit Nunaanni inissiat AFFAAT annertuumik iluarsaaneqarnissaat pisariaqarpoq.

Nuummi inissiat amigaatigineqartorujussuuput, illoqarfinnilu anginerusuni allarpassuarni inissiat amigaataaleriartorlutik.

Nunatsinni inissiat illullu pillugit atukkat pillugit isornartorsiuinertik sakkortuumik oqaatigissavaat, Nalakkersuisunullu KAJUMISSARUTIGEQQISSAVARPUT immikkoortumi TASSANI ajornartoormi pilersaarut aallarteqqeqqillugu sanaartornernillu takulluarsaatinit pingaarnerteqqullugit.

Isortorniarsarineqaqqiinnarput, tamannali OQALLISIGINEQARTARIAQARPOQ.

Inissianik illunillu pingaarnersiueriaaserput innuttaasunut mitallerneruvoq..

Taamatut oqaaseqarluta uuma atuutilersinnerani ikaarsaariarnermi pisariaqartumik aqqissuussinissap nunatsinnilu inissiat illullu taakkunanilu ajortorsiutit pillugit ataatsimut isigalugu oqallinnissap qulakkeerneqarnissaat isiginiarlugu siunnersuutip uuma ataatsimiititaliami suliarineqarnissaa inassuteqaatigaarput.